

# INUIT ATAQATIGIIT INATSIARTUNI



UKA 2022/46  
Agathe Fontain

## **Tunup namminerisamik kommuuninngorsinnaanerata nalilernissaa pillugu apequteqaat aallaavigalugu oqallisissiaq**

(Inatsisartunut Ilaasortaq Lars Poulsen, Siumut)

Oqallisissiamut qujavugut, isumaqarpugut pingaaruteqartoq.

Oqallisissiap tungavilersuutaanik aallartikkutta:

“Naak tunumi aningaasatigut aaqqissuteqarnerit pissarsiaqarnarnerusut,  
kommunimiit isumagineqarluartut-

Inuisa qanimut kissalaartumik isumagineqarunnaanarnerisa kinguneri ullumikkut  
atuupput ”

Taamatut aallartineq atuarakku eqqarsarpunga – qarasaq, uummallu  
suleqatigiittussat.

Imaluuniit, piviusoq- misigissutsillu.

Kommunerujussuit pilersinneqarmata, pilersinneqarput “Najugarisami  
ataatsimiititaliat”. Taakkuullutik immikuullarissutit illersorneqarnissaanut  
sulisussat.

# INUIT ATAQATIGIIT INATSISARTUNI



Najukkani ataatsimiititaliat suliaqarfinnik aalajangersimasunik isumaginnittuusinnaapput imaluunniit kommunalbestyrelsimut, aningaasaqarnermut ataatsimiititaliamut imaluunniit aamma ataatsimiititalianut ataavartunut piareersaasionermik siunnersortaanermillu atuuffeqarsinnaallutik.

Soorluttaaq immikkut ilisimasallit, paasisimasallillu imaluunniit immikkut soqutigisallit ilaatinniarlugit kommunalbestyrelset ataatsimiititalianik immikkut ittunik pilersitsisinnaapput.

Oqallissaarummi oqaatigineqarpoq, piorsarsimassuseq tammariartuinnartoq.

Najukkami ataatsimiititaliaq, taannaasinnaavaa, suliaqartoq, piorsarsimassuseq amigaatigineqartoq, sulinermigut matussusersinnaallugu? Imaluunniit periarfissaava, immikkut ataatsimiititaliortoqarsinnaanera, piorsarsimassuseq, assigiinngissuserlu pitsaasumut saatsillugu, ersarissarsinnaaneraa ? Inuit Ataqtiginiit periarfissaasut taakku atorluarneqarsinnaasut isumaqarpugut, kaammattuutissallutigillu.

Oqallinnermi eqqaanngitsoorneqarsinnaanngilaq, Qaasitsup Kommunua aamma Kommuneqarfik Sermersuup, avinneqarnerisa kingunerisassaanik misissueqqaarnermik suliaq.

Tassani atuarneqarsinnaavoq inerniliussaasoq:

- Ataasiartamik aningaasartuutit amerlanissaat, 15-20 mio kr taggineqarlutik

# INUIT ATAQATIGIIT INATSIARTUNI



- Ingerlatsinermut aningaasartuutit annertusissasut 20-25 mio kr annertusinissaat tagginneqarluni. Akit 2014-mi akiusut malillugit.
- Kommunit sinnerinut aningaasatigut kinguneqarumaartoq
- Ilinniarsimasunik sulisoqarneq ilungersunartuussasoq, innuttaasut sullissineqarnerannut kingunipiloqarsinnaalluni.

Inatsisartunut ilassortaquarterput Asii C. Narup, Inuit Ataqatigiit § 37-kut nr. - 180/2022 -kut apeqquaqarpoq, Aaqqissuussaannikkut ataatsimiitsitaliarsuup innersuussutai malillugut Nam. Oqartussaniit, kommuninut nussornerisa killiffii apeqqutigalugit.

Paasinarpoq kommuninut nutsigassat suli tamakkerneqanngitsut, tassa imaappoq Aaqqissuussaaneq suli naammassineqanngilaq.

Taava immitsunnut aperissaagut: "Pilersaarutit malillugit Aaqqissuussaaneq naammassineqassangilaa?"

Kommunit kommunerujussuanngornermi iluminni suliassatil naammasseqqaassanngilaat?

Kommunalbestyrelset taakkuupput siulliullutik, saaffiginnittussat isumagisassamik, akisussaaffimmillu tigumminnertik pillugu, arlaatigut suliaqartoqassappat.

Taamaamat oqallinnerni sunilluuniit inerniliisoqartinnagu kommunalbestyrelse-t isummersoqatigiinnissaat pisariaqarluinnartutut isigalugu oqaatigisariaqarparput.

Kaammaatuutigissavarpullu, innuttaasut tamatta akisussaaffimmik tiguseqataasa, aaqqissuussat iluatsinnissaannut suleqataasa. Alloriarnerit

# INUIT ATAQATIGIIT INATSISARTUNI



tamaasa, ataatsimik alloriarlutalu, marlunnik kingumut alloriartarniarutta, kinguaanut naammassineqanngitsunik akiligassiissagatta.

Qujavugut oqallissaarisumut.

**31a.** Kommunalbestyrelsi kommunimi illoqarfinni tamani najukkami ataatsimiititalianik ataatsimik arlalinnilluunniit pilersitsisinnaavoq. Najukkani ataatsimiititaliat suliassa qarfinnik aalajangersimasunik isumaginnittuusinnaapput imaluunniit kommunalbestyrelsimut, aningaasaqarnermut ataatsimiititaliamut imaluunniit aamma ataatsimiititalianut ataavartunut piareersaasiornermik siunnersortaanermillu atuuffeqarsinnaallutik.

*Imm. 2.* Najukkami ataatsimiititaliat ilaasortalersugaanermikkut qanoq katitigaanissaat qanorlu annertutigisumik peqataatitsisoqassanersoq kommunalbestyrelsip aalajangiiffigissavaa, tassunga ilanngullugit kattuffiit, najukkani aalajangersimasuni innuttaasut ataatsimoortut, partiit aamma ataatsimoorlutik qinigassanngorteqatigiit inuilluunniit allat ataatsimiititaliani ilaasortassatut innersuussutigineqassanersut imaluunniit ataatsimiititaliat ataatsimiinnerini alaatsinaattutut peqataatinneqartassanersut.

*Imm. 3.* Najukkami ataatsimiititaliat suliassa qarfiit kommunalbestyrelsip aalajangersaavigissavai.

*Imm. 4.* Najukkami ataatsimiititaliami ilaasortanut, kommunalbestyrelsimi ilaasortaanngitsunut, kommunalbestyrelsi aalajangersimasumik angissusilikkamik aningaasarsiaqartitsisinnaavoq.

Aningaasarsiaritinneqartussat tunniunneqarsinnaapput Naalakkersuisut aalajangersagaat tak. § 66, imm. 6 malillugu amerlanerpaaffissaliussat

# INUIT ATAQATIGIIT INATSIARTUNI



sippornagit.

*Imm. 5.* Kommunalbestyrelsimi, aningaasaqarnermut ataatsimiititaliami imaluunniit ataatsimiititaliani ataavartuni suliassat suliarineqarnerannut atatillugu immikkut ilisimasaqartut aamma paasisimasallit imaluunniit immikkut ittunik soqutigisallit ilaatinneqartarnissaat siunertaralugu kommunalbestyrelsi ataatsimiititalianik immikkut ittunik pilersitsisinnaavoq.

*Imm. 6.* Ataatsimiititaliat imm. 1-imi aamma 5-imi taaneqartut kommunalbestyrelsip atuuffissaata iluani piffissami aalajangersimaqqinnaartumi atuuttussanngorlugit qanorluunniit ilinikkut pilersinneqarsinnaapput.”